

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 274738 26 St
Zenica, 16.07.2026. godine

Općinski sud u Zenici, stečajna sutkinja Sanja Pavlić, u stečajnom postupku nad društvom „Red Rose“ Centar za zdravlje i ljepotu, d.o.o., skraćena oznaka firme „Red Rose“ d.o.o., ul. 203. Brigade broj 4., Matuzići, Doboj Jug, koga zastupa, Irmela Avdić, direktor društva, donio je 16.07.2026. godine sljedeće:

R J E Š E N J E

Pokreće se prethodni postupak radi utvrđivanja uvjeta za otvaranje stečajnog postupka nad stečajnim dužnikom „Red Rose“ Centar za zdravlje i ljepotu, d.o.o., skraćena oznaka firme „Red Rose“ d.o.o., ul. 203. Brigade broj 4., Matuzići, Doboj Jug.

Za privremenog stečajnog upravitelja imenuje se: Haris Vehab, Srebrenička br.18., Tešanj.

1. Privremeni stečajni upravitelj dužan je:

- utvrditi da li postoje razlozi i uslovi za otvaranje i vođenje stečajnog postupka, te podnijeti izvještaj sudu u roku od 30 dana.
- utvrditi da li je stečajni dužnik odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti
- obezbijediti imovinu i starati se o imovini dužnika,
- izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
- ispitati da li imovina stečajnog dužnika može pokriti troškove stečajnog postupka
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka,
- dužan je da stečajnom sucu položi račun i podnese izvještaj o svom radu za period privremene uprave.

3. Ročište radi utvrđivanja uvjeta za otvaranje stečajnog postupka određuje se za dan 15.10.2026. godine u 12,00 sati u zgradi ovog suda sudnica broj 29/II.

4. Na ročište se pozivaju:

Predlagatelj: „Red Rose“ Centar za zdravlje i ljepotu, d.o.o., skraćena oznaka firme „Red Rose“ d.o.o., ul. 203. Brigade broj 4., Matuzići, Doboj Jug, koga zastupa, Irmela Avdić, direktor društva,

Protupredlagatelj: „Red Rose“ Centar za zdravlje i ljepotu, d.o.o., skraćena oznaka firme „Red Rose“ d.o.o., ul. 203. Brigade broj 4., Matuzići, Doboj Jug, koga zastupa, Irmela Avdić, direktor društva,
i

Privremeni stečajni upravitelj: Haris Vehab, Srebrenička br.18., Tešanj.

5. Ovo rješenje se dostavlja strankama, objavljuje na oglasnoj tabli suda, web stranici suda-elektronskoj tabli suda, „Službenim novinama Federacije BiH“ i na internet stranici FIA-e.

O b r a z l o ž e n j e

Predlagatelj kao stečajni dužnik je ovom sudu podnio prijedlog za otvaranje stečajnog postupka 26.06.2026. godine u kojem navodi da je usljed dugotrajnog otežanog poslovanja, pada prihoda, nemogućnosti redovnog izmirivanja dospjelih obaveza, društvo došlo u stanje trajne nesposobnosti plaćanja dospjelih obaveza, pa predlaže da se otvori stečajni postupak.

Radi utvrđenja da li postoji stečajni razlog i da li postoje uvjeti za otvaranje stečajnog postupka sud je odlučio pokrenuti prethodni postupak i u tom pravcu imenovao je privremenog stečajnog upravitelja Vehab Harisa, sa stalne liste stečajnih upravitelja, te je naložio da izvrši sve radnje navedene u izreci ovog rješenja, a sve u skladu sa odredbama čl. 61. stav 1. i 2. i čl. 63. Zakona o stečaju („Sl. Novine F BiH“ broj: 53/2021 i 19/25).

Na osnovu iznesenog, primjenom navedenih propisa odlučeno je kao u izreci rješenja.

PRAVNA POUKA:

Protiv ovog rješenja nije dozvoljena žalba

Stečajna sutkinja

Sanja Pavlić